

«БЕКІТЕМІН»

Абай атындағы ҚазҰПУ-нің
Тәрбие жұмысы және әлеуметтік
даму жөніндегі проректоры
Ж.Е.Ішпекбаев
«15» қараша 2018 ж.



«Атамекен» интеллектуалды пікір-сайыс клубының ЕРЕЖЕСІ

I. Жалпы ережелер

1.1. «Атамекен» пікір-сайыс клубы - Абай атындағы Қазақ Ұлттық педагогикалық университетінде құрылған қазақтілді студенттік пікір-сайыс клубы (әрі қарай «Клуб» деп аталады) болып табылады.

1.2. Бұл жарғы клуб жұмысын ұйымдастыру мен үйлестіру, дамыту жолдарын айқындайтын, клуб мүшелерінің өзара қарым-қатынастарын реттеу және жүйелеу, клуб шеңберіндегі жоғарғы күші бар құжат болып саналады.

II. Клубтың мақсаты мен міндеттері:

2.1 Клуб мақсаты – студенттер арасында пікір-сайысты дамыту арқылы азаматтық ұстанымдары мен көзқарастарын қалыптастыру, ұлтжанды, шыншыл, жоғары білімді, элиталы ұрпақ дайындауға үлес қосу;

2.2. Клубтың басты міндеттері:

- Студент жастар арасында пікір-сайыс бағдарламасын дамыту;
- Пікір-сайыс арқылы жоғары оқу орны мен пікір-сайыс клубының имиджін қалыптастыру;
- Әрбір жастың тұлғалық қасиеттері мен қабілеттерін қалыптастыру;
- Жинақталған білім мен тәжірибені, келесі жас буын пікір-сайысшыларға жеткізу мен дарыту;
- Қазақстан Республикасының «Жастар саясаты туралы Заңы» аясында басқа да іс-шаралар мен жобаларға қатысу;
- Мемлекеттік тіл – қазақ тілін студент жастар арасында дамыту мен насихаттау, ұлттық тіл шешендігін жаңғырту;
- Өзге жоғары оқу орындарында қызмет атқаратын студенттік пікір-сайыс клубтарымен өзара тәжірибе алмасуға негізделген жолдастық кездесулер, т.б. түрлі деңгейдегі (жалпыуниверситеттік, қалалық, республикалық, халықаралық) мәдени-танымдық шаралар ұйымдастыру.

III. Клубтың ұйымдастырылуы мен қызметі:

3.1. Клубтың Жоғарғы органы - Жалпы Жиналыс болып табылады. Жалпы Жиналыс клуб мүшелерінен тұрады.

3.2. Жалпы Жиналыс күзіреті:

- Клуб Жарғысын бекітіп, оған өзгертулер мен толықтырулар енгізу;
- Клуб қызметінің негізгі міндеттері мен бағыттарын, жұмыс жоспарын анықтау;

- Клубқа мүшелікке қабылдау және мүшеліктен шығару мәселелерін қарастыру;

3.3. Клуб жиналысын Клуб үйлестірушісі (координаторы) жүргізеді. Әрбір факультеттің пікір-сайысшыларына тағайындалған факультет үйлестірушілері жауапты.

3.4. Клуб отырысы кезінде хатшы хаттама жүргізеді.

3.5. Клуб аптасына екі рет жиналыс өткізеді. Клуб отырысына еш себепсіз кешігіп келуге немесе мүлдем келмей қалуға болмайды.

3.6. Клуб жастар ұйымдарымен бірігіп іс-шараларға қатыса алады.

3.7. Клуб жұмысын ұйымдастыру мен тұрақты жұмыс істеуіне жауапты тұлғалар:

- Клуб үйлестірушісі;
- Үйлестірушінің орынбасарлары;
- Факультет үйлестірушілері;
- Хатшы.

3.8. Клуб үйлестірушісі клуб жұмысының ұйымдастырылуы, мақсат-міндеттерінің іске асырылуына жауапты. Клуб отырыстарының тәртібін белгілеп, оларға басшылық етеді.

3.9. Клуб үйлестірушісі Жалпы Жиналыста көпшілік дауыспен сайланады. Үйлестіруші қызметіне университет қабырғасында оқитын, пікір-сайыстық тәжірибесі бір жылдан асқан азамат бола алады. Үйлестірушілік қызмет мерзімін Жалпы Жиналыс анықтайды.

IV. Клуб жұмысының жүргізілуі:

4.1. Клуб үйлестірушісінің міндеттері:

- Жаңа ақпараттардың клуб мүшелеріне жетуін қамтамасыз ету;
- Клуб отырысының күн тәртібін жасау;
- Жарғының клуб мүшелері тарапынан толық және дұрыс орындалуын қадағалау;

- Клубта болатын семинар-тренингтер ұйымдастыру;
- Клуб атынан келісім жүргізу;

4.2. Клуб Хатшысының міндеттері:

- Клуб отырысының хаттамасын жүргізіп отыру;

- Клуб жұмысына байланысты құжаттар мен қағаздардың жүйелілігі мен дұрыстығына жауапты.

V. Клубқа мүше болу, клуб мүшелерінің құқықтары мен міндеттері:

5.1. Клубқа Абай атындағы ҚазҰПУ-да оқитын, Клуб Жарғысын қолдайтын және оның мақсат-міндеттері мен қызметін жүзеге асыра алатын кез келген азамат мүше бола алады.

5.2. Клуб мүшесі болу үшін қойылатын талаптар:

- Пікір-сайыс бағдарламасын толық білетін;
- Клуб жиналысына үздіксіз түрде бір ай қатысқан;
- Қазақ тілін еркін меңгерген.

5.3. Клуб мүшелігі мынадай жағдайда тоқтатылады:

- Клуб мүшесінің өз бастамасы бойынша;
- Клуб жиналысына 5 реттен артық қатыспаған;
- Клуб мүшелерінің көпшілік дауысымен клуб Жарғысындағы ережелерді, тәртібін орындамағаны үшін, клубты жаман атқа қалдырғаны үшін клуб шешімі негізінде;

- Клуб мүшесінің жеке ісі қаралған мәжіліске немесе жиналысқа қатысқан клуб мүшелерінің үштен екісі клубтан шығарылсын деп дауыс берген жағдайда, клубтан шығарылды деп есептелінеді;

5.4. Клуб мүшесінің құқығы:

- Пікір-сайыс бағдарламалары мен шараларына қатысу;
- Клубтың қызметі туралы ақпарат алуға;
- Клуб өкілі ретінде қоғамдық іс-шараларға қатысуға;
- Клубтан шығу мәселесін өзі шешу.

5.5. Клуб мүшесінің міндеттері:

- Клубтың Жарғысы мен бағдарламалық құжаттарындағы талаптарды бұзбау;

- Клубтың бағдарламалық мақсаттарын көпшілікке түсіндіру және оларды қорғау;

- Клуб жиналысының және университет бекіткен шешімдерін орындау;
- Клуб қатарына жаңа мүшелер тарту жөнінде жұмыс жүргізу;
- Клубтың абыройы мен қызметіне зиян келтіруі мүмкін іс-әрекеттерге бармау.

VI. Клуб Жарғысына өзгертулер мен толықтырулар енгізу тәртібі:

6.1. Осы Жарғыға өзгертулер мен толықтырулар тек клубтың Жалпы Жиналысының шешімімен енгізіледі.

6.2. Жарғыға өзгертулер мен толықтырулар енгізу туралы ұсыныс жасауға клубтың кез келген мүшесінің құқығы бар. Ұсыныс жазбаша түрде,

жан-жақты дәлелденіп, жазған адамның қолы қойылып, клуб үйлестірушісіне тапсырылуы тиіс.

6.3. Клуб жиналысы бұл ұсыныс келіп түскеннен кейін бір ай ішінде қарап, оны талқылау ісін ұйымдастыруға міндетті.

VII. Клуб қызметін тоқтату:

7.1. Клубтың қызметі ерікті түрде немесе тарату жолымен, сондай-ақ басқа да заңды негіздермен тоқтатылуы мүмкін. Клубты ерікті түрде тарату немесе қайта құру Клубтың Жалпы Жиналысының шешімі негізінде жүзеге асырылады.